



## **KOMUNIKADO PA PRENSA**

*Fecha*

18/05/2021

### **Apelashon pa kita tur ophetonan di propaganda polítiko den área públiko**

---

**WILLEMSTAD – Servisio pa Planifikashon Urbano (ROP) ta hasi un apelashon na tur partido polítiko pa laga kita tur ophetonan di propaganda polítiko den área públiko. Fecha pa a kita tur opheto di propaganda polítiko tabata 8 dia despues di elekshon 2021.**

ROP ta gradisí tur partido polítiko ku ya a sòru di kita nan ophetonan. Pues e petishon ta spesífikamente pa tur demas partido ku ainda tin ophetonan butá, pa kita esakinan. ROP tin kompreshon pa e situashon ku tabata tin pa loke ta 'lockdown' i plachi di dia i, pa e motibu akí mes, a tene debido kuenta.

Pa mas informashon tokante esaki por tuma kontakto ku ROP via di number di telefòn 511-3874 òf na e-mail [info.rop@gobiernu.cw](mailto:info.rop@gobiernu.cw). Pa mas informashon tokante e eksigensianan pa bòrchi òf otro ophetonan di propaganda, por tuma nota di e Maneho pa Ophetonan di Propaganda (Beleid voor Reclame-uitingen) riba e wèpsait di VVRP ([www.vvrp.cw/maneho](http://www.vvrp.cw/maneho)).